

# **Disposiziun executiva tier la lescha davart il parcar sin territori communal**

**dalla**

**vischnaunca da Trun**

## Cuntegn

Art. 1	Intent	3
Art. 2	Ulteriurs parcadis publics	3
Art. 3	Taxas da parcar per camiuns e vehichels pli gronds	3
Art. 4	Publicaziun annuala	4
Art. 5	Affittaziun da parcadis sur pli liung temps	4
Art. 6	Disposiziuns penelas	4
Art. 7	Abrogaziun e vigur	5

Sebasond sin art. 45 alinea b) dalla constituziun communal dalla vischnaunca da Trun dils 18 da zercladur 1999 relai la suprastanza communal da Trun la suandonta disposiziun executiva tier la lescha davart il parcar sin territori communal.

### **Art. 1 Intent**

Igl intent da questa disposiziun executiva ei da reglar ulteriurs detagls davart l'execuziun dalla lescha davart il parcar sin territori communal.

### **Art. 2 Ulteriurs parcadis publics**

<sup>1</sup> Sebasond sin art. 2 dalla lescha davart il parcar sin territori communal valan suandonts parcadis supplementarmein sco parcadis publics:

- Campliun, Via Carmanera, sper la hetta da rumians, in parcadi per auto da persunas, parcella 2251
- Darvella sut, Stradun, dado la cruschada, plirs parcadis nudai da maun encunter nord per autos da persunas, parcella 2679
- Trun vitg, Via Resgias, plirs parcadis nudai da maun encunter ost per autos da persunas, parcella 1588
- Zignau, Capeter, avon la punt da maun seniester, plirs parcadis, parcella 2497
- Zignau, Via Criedi, plirs parcadis, parcella 2746
- Schlans, suenter la punt, da maun encunter nord su via, in parcadi per auto da persunas, parcella 6443
- Schlans, Pansal, parcadis sur las garaschas, plirs parcadis per autos da persunas, parcellas 6259 e 6260 a Schlans (*sulettamein las parts ch'ei sulettamein en possess dalla vischnaunca*)

<sup>2</sup> Ultra dils parcadis sut alinea 1 da questa disposiziun executiva sa vegnir parcau senza lubientscha da parcar, pia senza pagar ina taxa da parcar sin suandonts parcadis:

- Gest avon tablas cul scamond da carrar sillas vias d'uaul e da funs sch'ei exista in plaz da parcar (excepiu a Zignau – Chilgieri, parcella 446)
- Sper las vias d'uaul tenor lescha davart il carrar sin vias d'uaul
- Parcadis a Cartascha avon la via che meina a Punteglias e sut il rempar da Cartatscha

### **Art. 3 Taxas da parcar per camiuns e vehichels pli gronds**

<sup>1</sup> Sebasond sin art. 6 alinea 2 dalla lescha davart il parcar sin territori communal valan suandontas taxas pauschalas per camiuns e vehichels ch'ei sur 3.5 tonnas:

- Taxas tenor lescha davart il parcar sin territori communal ga dus pia p.ex. carta digl onn per frs. 600.00.

#### **Art. 4 Publicaziun annuala**

<sup>1</sup> Mintg'onn fa l'administraziun communal duas publicaziuns el mied per publicaziuns officialas. Finamira da quellas publicaziuns ei da far attents la populaziun silla lescha davart il parcar sin territori communal respectivamein sill'obligaziun da retrer ina carta da parcar. La publicaziun ha mintgamai da succeder el decuors dil mars sco era el decuors dil settember.

#### **Art. 5 Affittaziun da parcadis sur pli liung temps**

<sup>1</sup> Sebasond sin art. 5 dalla lescha davart il parcar sin territori communal sa la suprastonza schar a tscheins parcadis. Las cundiziuns ein da reglar en ina cunvegna denter igl affittader e la vischnaunca. Per la vischnaunca suttascriva la geraua ni il gerau dil stradalesser ensemen culla canzlista ni cul canzlist. La cunvegna ha da cuntener indicaziuns davart:

- las duas partidas dalla cunvegna
- la grondezia ed il liug dil parcadi
- la durada dall'affittaziun respectivamein dalla cunvegna
- la taxa annuala e las cundiziuns da pagament
- l'obligaziun da surprender ils cuosts per marcar il parcadi
- la pusseivladad d'abdicaziun dalla cunvegna mintgamai silla fin d'in meins e quei in meins avon.

<sup>2</sup> Las taxas annualas per l'affittaziun muntan à:

- Parcadi per auto da personas frs. 400.00
- Parcadi per camiun resp. vehichel pli grond che 3.5 tonnas frs. 800.00

#### **Art. 6 Disposiziuns penalas**

<sup>1</sup> Tier in surpassament dalla lescha davart il parcar sin territori communal fa l'administraziun communal attenta la persuna sin quei fatg e dat la pusseivladad da retrer la carta da parcar respectivamein da prender posiziun a scret enteifer 10 dis dapi la comunicaziun.

<sup>2</sup> Retila la persuna buca la carta da parcar e pren negina posiziun a scret tenor alinea 1 agescha la suprastonza communal suandontamein e tenor quella successiun:

- Scriver alla persuna cun smanatschar ina denuncia via polizia cantunala alla procura publica (tenor Ordinaziun tier la lescha introductiva tier la lescha federala davart il traffic sin via, ORtLItLTV; DG 870.110) quei denton cun dar la pusseivladad da retrer la carta da parcar respectivamein da prender posiziun a scret enteifer 10 dis dapi la comunicaziun.
- Retila la persuna suenter il scriver dalla suprastonza buca la carta da parcar e pren negina posiziun denuncia la suprastonza communal la persuna via polizia cantunala alla procura publica tenor ORtLItLTV.

- Pren la persuna posiziun sil scriver dalla suprastonza giudichescha la suprastonza la posiziun e pren ina decisiun en caussa. Retila la persuna ina carta da parcar ei la caussa liquidada.

**Art. 7 Abrogaziun e vigur**

Questa disposiziun executiva passa en vigur ensemen culla lescha davart il parcar sin territori communal sin igl 1. da schaner 2018.

Concludiu aschia a caschun dalla sesida da suprastonza dils 27 da november 2017.

Il president communal



Dumeni Tomaschett

La canzlista communal



Sandra Gautschi